



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბერეკაშვილი აკაკი ვასილის ძე

ბერეკაშვილი აკაკი ვასილის ძე [17 (29). IV. 1891, სოფ. კურსები, ახლანდ. ტყიბულის ზონა, – 26. III. 1962, თბილისი], ინჟინერი. რუსეთში სამოქალაქო ომის აქტიური მონაწილე, კომპარტიის წევრი 1917-იდან.

სწავლობდა ჯერ ქუთ. რეალურ სასწავლებელში, შემდეგ პეტერბ. უნ-ტის ფიზიკა-მათემატიკის ფაკ-ტზე. სტუდენტობის წლებში მონაწილეობდა არალეგალურ მუშაობაში. 1919 იყო პეტროგრ. მეორე საარტ. კურსების კომისარი, 1920–საარტ. აკად. სამხ. კომისარი, ხოლო 1921-იდან -- სამხ. სკოლის კომისარი.

1921-24 მუშაობდა საქართვე. სამხ. კომისრის მოადგილედ. 1924-29 სწავლობდა ლენინგრ. საარტ. აკად. მეტალ. განყ-ბის მექანიკურ ფაკ-ტზე, რ-ის დამთავრების შემდეგ ინჟინრად დაიწყო მუშაობა ქ-ნა „კრასნი პუტილოვეცში“, 1930-36 – იყო შავი ლითონების საკავშ. სამეცნ.-კვლ. ინ-ტის დირექტორი მოსკოვში, 1944-იდან – სსრკ სახელმწ. საგეგმო კომისიის რწმუნებულის მოადგილე საქართველოში, 1949-51 – საქართვე. მინისტრთა საბჭოს ენერგეტ. და კაპიტ. მშენებლობის განყ-ბის უფროსი.

საბრძოლო მასალების დამზადების ტექნოლოგიაში სიახლის დანერგვისათვის მიენიჭა სტალინური პრემია (1943). მიღებული აქვს სახელმწ. ჯილდოები.

კ. ივანიძე
